

Cefnogi y sector anllywodraetol amgylcheddol yng Nghymru

23/11/2020



Rydym yn gweithio gyda Llywodraeth Cymru i gynnig grantiau o rhwng £5,000 -£100,000 i dalu am hyfforddiant sgiliau busnes i gyrff anllywodraetol amgylcheddol.

Lansiwyd y [Cynllun Capasiti yr Adferiad Gwyrdd](#) gan y Gweinidog Amgylchedd, Ynni a Materion Gwledig, Lesley Griffiths ar ddydd Llun 23 Tachwedd.

Meddai Andrew White, cyfarwyddwr Cronfa Dreftadaeth y Loteri Genedlaethol yng Nghymru: “Rydym yn ddiolchgar iawn i fod yn gweithio gyda Llywodraeth Cymru i ddarparu y Cynllun Capasiti yr Adferiad Gwyrdd i gefnogi cyrff anllywodraetol amgylcheddol Cymru yn ystod yr amser heriol hwn.

“Mi fydd y gronfa hon yn cefnogi y cyrff rhain i adeiladu eu gwytnwch trwy dderbyn hyfforddiant i ddatblygu eu sgiliau busnes – megis llywodraethu, gwytnwch ariannol a rheoli prosiectau i’w caniatáu i ffynnu a darparu gwasanaethau gwell i’w cwsmeriaid.”



Beth fyddwn yn ei ariannu

Drwy'r Cynllun Capasiti yr Adferiad Gwyrdd rydym am:

- roi cymorth i sefydliadau anllywodraethol amgylcheddol gynyddu capasiti drwy lywodraethu cryfach, cydnerthedd ariannol, ymgysylltu â'r gymuned, datblygu prosiectau a sgiliau perthnasol eraill
- rhoi sefydliad anllywodraethol amgylcheddol - yn enwedig sefydliadau llai - ar sail fwy cynaliadwy drwy gefnogi datblygiad prosiectau o ansawdd uwch
- gwella cyrhaeddiad sefydliad anllywodraethol amgylcheddol i gymunedau heb gynrychiolaeth eang (lleiafrifoedd ethnig, pobl ifanc, pobl anabl, ardaloedd amddifadedd, ac ati)

Pwy sydd yn gymwys

- Mae'r gronfa'n agored i sefydliadau amgylcheddol sy'n elusennau neu'n bartneriaethau cofrestredig sy'n cael eu harwain gan sefydliad anllywodraethol amgylcheddol.
- Rhaid i ymgeiswyr fod wedi'u lleoli yng Nghymru a datblygu prosiectau yng Nghymru.
- Rhaid i brif nodau'r sefydliad, neu amcanion elusennol, ymwneud â diogelu neu wella'r amgylchedd naturiol.
- Dim ond un cais y byddwn yn ei dderbyn fesul sefydliad neu bartneriaeth.
- Byddwn yn derbyn ceisiadau am gyllid refeniw tan 31 Gorffennaf 2021. Gallwch wneud cais am hyd at 100% o'r cyllid.



Credit: Barry Stewart

Sut i ymgeisio

Rydym yn derbyn **Ffurflenni Ymholiad Prosiect** rhwng **16 Tachwedd** a **6 Rhagfyr** neu gallwch fwrw ymlaen a gwneud cais. Rydym yn derbyn ceisiadau tan **10 Ionawr 2021**.

Ceisiadau ar agor ar **23 Tachwedd** ac yn cau ar **10 Ionawr 2021**.

Mae cyngor cyn ymgeisio ar gael drwy e-bost - cysylltwch â: natur@heritagefund.org.uk

Darllenwch yn [meini prawf a'r canllawiau](#) cyn gwneud cais trwy ein porth os y gwelwch yn dda.

Efallai y bydd gennych chi ddiddordeb hefyd mewn ...

Newyddion

Cyhoeddi cyllid newydd ar gyfer prosiectau amgylcheddol mewn cymunedau yng Nghymru

Mae ceisiadau bellach ar agor i Gronfa Dreftadaeth y Loteri Genedlaethol a rhaglenni grant newydd Llywodraeth Cymru sy'n helpu cymunedau i ofalu am y byd naturiol.

05/06/2020

Newyddion

Help for heritage organisations to build better businesses

In our Strategic Funding Framework we made a commitment to support heritage organisations to be more robust, enterprising and forward looking. As the sector battles to weather the coronavirus (COVID-19) storm, that support is more important than ever. We have invested just over £4million in business

15/10/2020

Siarad o amgylch y tân yng Nghlynfyw

Newyddion

Grantiau cymunedol yn rhoi hwb i lesiant ledled Cymru

Mae ein rhaglen Trysorau'r Ffilltir Sgwâr sy'n cefnogi llesiant meddyliol a chorfforol yn ystod y pandemig coronafeirws (COVID-19) wedi dyfarnu grantiau i 84 o grwpiau yng Nghymru.

20/11/2020